

玉

海

八十二

玉海卷一百六十六

浚儀王應麟伯厚甫

宮室

觀

觀觀也周置兩觀以表宮門其上可居登之可以遠觀故謂之觀

周兩觀

見門闕類

漢宜春觀

水經澇水逕漢宜春觀合美陂入渭 東方朔傳注

師古曰觀在鄠縣在長安城西秦上林苑北

志宜春觀武帝造

良門關漢龍臺觀 細柳觀

司馬相如傳上林賦登龍臺掩細柳注張揖曰龍臺

觀在豐水西北近渭

三輔故事曰龍臺高六丈漢時龍見陂中故作此臺括地志曰

龍臺觀在雍州鄠縣東北三十五里郭璞曰細柳觀在昆明池南

黃圖云在

長安西北柳市

匈奴傳軍長安西細柳注如淳曰細柳倉

在渭北近石徼張揖曰在昆明池南今有柳市

文紀索

隱按三輔故事細柳在直城門外阿房宮西北云在渭北非也

西京賦上林禁苑

云云邪界細柳注在長安西北

漢豫章觀

昆明觀

又見池

西都賦集乎豫章之宇注館名黃圖曰上林有豫章

觀武帝造在昆明池中亦曰昆明觀 史平準書大

修昆明池列觀環之

括地志昆明觀在雍州長安西二十里黃圖上林苑有昆明觀

天文志昆明東觀

西京賦昆明靈沼

云云豫章

珍館揭焉中峙牽牛立其左織女處其右

薛綜注皆豫章木爲

臺館也李善曰黃圖上林有豫章觀

相羊乎五柞之館旋憩乎昆明之

池登豫章簡煇紅

注豫章池中臺也

西征賦

潘岳

昔豫章之

名字披元池而特起儀景星於天漢列牛女以雙峙

宮殿閣疏昆明池有二石牛女象也

校獵賦

揚雄

先置乎白楊之南注

服虔曰白楊觀名

漢甘泉四觀

司馬相如傳上林賦歷石關歷封巒過鵠望露寒
注張揖曰此四觀建元中作在雲陽甘泉宮外 史
記甘泉更置前殿始廣諸宮室正義揚雄云甘泉本
秦離宮既奢泰武帝增通天臺迎風宮近則有洪涯
儲胥遠則有石關封巒鵠露寒棠梨等觀又有高
華白虎溫德相思觀曾城走狗天梯瑤臺等 黃圖
武帝先作迎風館於甘泉山後加露寒儲胥二館建
元中作石關封巒鵠觀 揚雄甘泉賦封巒石關

施靡乎延屬

師古曰皆官名李善曰黃圖

度三巒李

日卽封巒觀也

武紀注晉灼曰雲陽甘泉有宮觀故稱都

漢延壽觀

史紀益延壽觀正義括地志云延壽觀在雍州雲陽縣西北八十一里通天臺西八十步

漢成山觀 日觀

魏志田豫督青州入成山登漢武之觀 黃圖成山

在東萊不夜縣於其上築宮闕爲觀 封禪儀泰山

東南有山名日觀 見封禪

漢屬玉觀

宣紀甘露二年十二月行幸萇陽宮屬玉觀注晉灼
曰屬玉水鳥似鵠鵠以名觀也應劭曰宮在鄠秦昭
王起黃圖屬玉觀在右扶風西都賦天子乃登
屬玉之館歷長楊之榭注服虔曰以玉飾因名焉

漢甲觀

殷紀元帝在太子宮生於甲觀畫堂

甘露三年元后傳作甲觀畫

堂

顏師古謂甲者甲乙丙丁之次元后傳言見於

內殿此其例也而應劭以爲在太子宮之甲地謬矣
畫堂但畫飾耳又以爲畫九子母非也霍光止畫室
中是則宮殿中通有采畫之堂室

漢宮閣疏曰未央宮有畫堂甲觀非

常室

如淳曰黃圖云太子宮有甲觀

後清河王慶傳以長別居丙

舍

後官志有丙舍長一人

漢上蘭觀

元后傳校獵上蘭注師古曰上蘭觀名在上林中

羽獵傳

揚雄

望舒彌轡翼乎徐至於上蘭注晉灼曰在

上林

西都賦繞鄠歷上蘭

西京賦陳虎旅於

飛廉正壘壁乎上蘭注黃圖曰上林有上蘭觀

漢平樂觀

西域賦元康二年烏孫元貴靡願復尙漢公主天子
自臨平樂觀會匈奴使者外國君長大角抵設樂而

遣之

東方朔傳有平樂觀賦

後漢李尤賦曰設平樂觀之顯觀章祗偉之

奇珍習禁武以講捷厭不羈之遐鄰彌平原之廣敞處金商之維隄南切洛濱北隣倉山

武紀

注應劭曰明帝永平五年至長安迎飛廉并銅馬置

上西門外名平樂館

鄧騭傳涼部畔羌搖蕩西州

安帝詔騭將兵擊之車駕幸平樂觀餞之

何進傳

靈帝講武於平樂觀

東京賦其西則平樂都場示

遠之觀龍雀蟠蜿天馬半漢瑰異譎詭燦爛炳煥注

平樂觀名都謂爲大場於上作樂使遠觀之謂之平

樂在城西也龍雀飛廉也天馬銅馬也華嶠後漢書

曰明帝至長安迎取飛廉并銅馬置上西門平樂觀

也西京賦注平樂館大作樂處也

漢東觀

洛陽宮殿名南宮有東觀漢氏圖籍所在有石渠石室延閣廣內蓄之於外府又有御史掌蘭臺祕書及麒麟天祿二閣藏之於內禁威帝延熹二年始置祕書監官秩六百石掌典書古今文字攷古今同異屬太常 紀和帝永元十三年正月丁丑帝幸東觀覽書林閱篇籍博選藝術之士以充其官注陸機洛陽記曰在南宮高闕十二間介于承鳳觀 安帝永初四年三月乙亥詔謁者劉珍及五經博士校定東觀

諸子傳記百家藝術整齊脫誤是正文字 和熹鄧
太后定策立安帝臨朝政太后自入宮掖從曹大家
受經書兼天文算數晝省王政夜則誦讀而患其謬
誤懼乖典章乃博選諸儒劉珍等及博士議郎四方
掾史五十餘人詣東觀校讎傳記事畢奏御賜葛布
各有差又詔中官近臣於東觀受讀經傳以教宮人
列傳曹褒章和元年召詣嘉德門令小黃門持班
固所上叔孫通漢儀敕褒今宜依禮條正使可施行
於南宮東觀盡心集作 黃香元和元年肅宗詔詣
東觀讀未見書 文苑 北海靖王興子復爲臨邑侯

好學能文章永平中每有講學事輒令復典掌焉與
班固賈逵共述漢史傳毅等皆宗事之復子駙駘及
從兄平望侯毅並有才學永寧元年鄧太后詔毅及
駙駘入東觀與謁者僕射劉珍著中興以下名臣列
士傳 劉珍永初中爲謁者僕射鄧太后詔使與校
書劉駙駘馬融及五經博士校定東觀五經諸子傳

記百家藝術整齊脫誤是正文字

文苑

班昭

曹世叔妻

兄固著漢書其八表及天文志未竟而卒和帝詔昭
就東觀藏書閣踵而成之

列女

孔僖元和二年校

書東觀

儒林

李尤和帝時侍中賈逵薦尤有相如

揚雄之風召詣東觀受詔作賦

其賦曰上承重閣下屬周廊前望雲臺後

市德陽道無隱而不顯書無闕而不陳覽三代而來宜包郁郁之周文又東觀銘曰周氏舊區皇漢實循房闥內布綺疏外陳升降三除貫啟七門是謂東觀書籍林淵列侯弘雅治掌藝文

選注引之 拜

蘭臺令史安帝時爲諫議大夫受詔與謁者僕射劉

珍等俱撰漢記

文苑

張衡永初中謁者僕射劉珍

校書郎劉駒駖等著作東觀撰集漢記因定漢家禮

儀上言請衡參論其事會並卒衡常歎息欲終成之

及爲侍中上疏請得專事東觀收拾遺文畢力補綴

又條上司馬遷班固所敘與典籍不合者十餘事數

上不聽後之著述多不詳典時人追恨之 馬融永

初四年拜爲校書郎中詣東觀典校祕書

在東觀十

年窮覽典籍

竇章少好學有文章與馬融崔爰同

好更相推薦永初中學者稱東觀爲老氏臧室道家
蓬萊山太僕鄧康薦章入東觀爲校書郎注老子爲
守臧史復爲柱下史四方所記文書皆歸柱下言東
漢經籍多也蓬萊海中神山爲仙府幽經祕籙並皆
在焉 蔡倫爲長樂太僕元初四年帝以經傳之文
多不正定選劉珍等詣東觀讎校漢家法令倫監典
其事

宦者

鄧嗣

禹之後

永壽中與伏無忌延篤著書東

觀

崔實威帝時與朱穆邊韶延篤等著作東觀

王 海 卷一百六十六
邊韶拜大中大夫著作東觀 張奐奏尙書章句詔

下東觀 盧植能通古今學熹平四年拜九江太守

以疾去官作尙書章句三禮解詁時始立大學石經
以正五經文字植乃上書願得將書生二人共詣東
觀就官財糧專心研精合尙書章句考禮記得失庶
裁定聖典刊正碑文拜議郎與諫議大夫馬日磾議
郎蔡邕楊彪韓說等並在東觀校中書五經記傳補
續漢記 蔡邕拜郎中校書東觀以經籍去聖人久
遠俗儒穿鑿疑誤後學奏求正定六經靈帝許之邕
在東觀與盧植韓說等補撰後漢記會遭事流離不

及得成奏其所著十意分別首目連置章左注猶前
書十志也有律曆意一禮意二樂意三郊祀意四天
文意五車服意六欲刪定者一接續者四前志所無
臣欲著者五 高彪舉孝廉爲郎中校書東觀因事
諷諫數奏賦頌奇文靈帝詔東觀畫彪像以勸學者
文苑

陽球奏罷鴻都文學曰今太學東觀足以宣

明聖化願罷鴻都之選以消天下之謗

酷吏

李勝

有文才爲東觀郎 儒林傳孝和數幸東觀覽閱書

林初光武遷還洛陽其經牒祕書載之二千餘兩自
此以後參倍於前及董卓移都吏民擾亂自辟雍東

觀蘭臺石室宣明鴻都諸藏典策文章競共剖散其
縑帛圖書大則連爲帷蓋小乃制爲滕囊 通典漢

東京圖書悉在東觀多使名儒碩學入直東觀撰述

國史謂之著作東觀蓋以他官領焉

班固傳毅以蘭臺令史陳宗以

洛陽令尹敏以長陵令孟冀以司隸校尉並著作東觀

曆志注袁崧書曰劉

洪在東觀與蔡邕共述律曆記 五行志注孔叢曰

建初元年大旱待御史孔子豐上疏天子納其言三

日雨卽降拜黃門郎典東觀事 崔子玉東觀箴洋

洋東觀古之史官左書君行右記其言辛尹顧訪文

武明宣倚相見寶荆國以安

云云

史臣司藝

吳華